

# Sonatorrek

## Wardruna

1. Mjök erum tregt  
Tungu at hræra  
Með loptvétt  
Ljóðpundara;  
Esa nú vænligt  
Of Viðurs þýfi  
Né hógdrægt  
Ör hugar fylgsni

2. Esa auðþeystr  
þvítt ekki veldr  
Höfugligr  
Ör hyggju stað  
Fagna fundr  
Friggjar niðja  
Ár borinn  
ór Jötunheimum

3. Lastalauss  
Es lifnaði  
Á nokkvers  
Nökkva bragi;  
Jötuns hals  
Undir þjóta  
Náins niðr  
Fyr naustdurum

4. Þvítt ætt mín  
Á enda stendr  
Hreggbarnir  
Sem hlynir marka;  
Esa karskr maðr  
Sás koggla berr  
Frænda hrørs  
Af fletjum niðr

5. Þó munk mitt  
Ok móður hrør  
Föður fall  
Fyrst of telja;  
þat berk út  
Ör orðhofi  
Mæðar timbr  
Máli laufgat

6. Grímt vörum hlið  
þat 's hrönn of braut  
Föður míns  
Á frændgarði;  
Veitk ófult  
Ok opit standa  
Sonar skarð  
Es mér sær of vann

7. Mjök hefr Rön  
Of rysktan mik  
Emk ofsnauðr

At ástvinum;  
Sleit marr þond  
Minnar ættar  
Snaran þótt  
Af sjölfum mér

8. Veizt ef sök  
Sverði rækak  
Vas qlsmið  
Allra tíma  
Hroða vábræðr  
Ef við þa mættak  
Fórk ægis  
Andvígr mani

9. En ek ekki  
Eiga þóttumk  
Sakar afl  
Við sonar bana;  
því alþjóð  
Fyr augum verðr  
Gamals þegns  
Gengileysi

10. Mik hefr marr  
Miklu ræntan  
Grimt es fall  
Frænda at telja  
Síðan 's minn  
Á munvega  
ættar skjöldr  
Af lífi hvarf

11. Veitk þat sjalfr  
Í syni mínum  
Vasa ills þegns  
Efni vaxit  
Ef randviðr  
Röskvask næði  
Unz hergauts  
Hendr of tæki

12. Æ lét flest  
þat 's faðir mælti  
þótt öll þjóð  
Annat segði;  
Mér upp helt  
Of herbergi  
Ok mitt afl  
Mest of studdi

13. Opt kœmr mér  
Mána brúðar  
Í byrvind bræðraleysi;  
Hyggjumk umb  
Es hildr þróask  
Nýsumk hins  
Ok hygg at því

14. hverr hugaðr  
Á hlið standi  
Annarr þegn  
Við óðræði;

þarfk þess opt  
Við þrágðrum  
Verðk varfleygr  
Es vinir þverra

15. Mjök 's torfyndr  
Sás trúa knegum  
Of alþjóð  
Elgjar galga  
þvít niflgóðr  
Niðja steypir  
Bróður hrør  
Við baugum selr

16. Excluded

17. Þat 's ok mælt  
At mangi getr  
Sonar iðgjöld  
Nema sjalfr ali  
Né þann enn  
Es qðrum sé  
Borinn maðr  
Í bróður stað

18. Erumka þekt  
þjóða sinni  
þótt sér hverr  
Sótt of haldi;  
Burr 's býskeyðs  
Í bæ kominn  
Kvánar sonr  
Kynnis leita

19. En mér fens  
Í fðstum þokk  
Hrosta hqfundr  
A hendi stendr;  
Máka upp  
Í aroar grímu  
Rýnnis reið  
Réttri halda

20. Síz son minn  
Sóttar brími  
Heiptugligr  
Ór heimi nam  
þanns ek veit  
At varnaði  
Vamma vanr  
Við námæli

21. Þat mank enn  
Es upp of hóf  
Í Goðheim  
Gauta spjalli  
ættar ask  
þanns óx af mér  
Ok kynvið  
Kvánar minnar

22. Áttak gótt  
Við geirs dróttin

Gerðumk tryggir  
At trúa hönnum  
Æðr vinan  
Vagna rúni  
Sigrhöfundr  
Of sleit við mik

23. Blætka því  
Bróður Vílis  
Goðjaðar  
At gjarn séak  
þó hefr Míms vinr  
Mér of fengnar  
Bólva bætr  
Es et betra telk

24. Gofumk íþrótt  
Ulfs of bági  
Vígi vanr  
Vammi firða  
Ok þat geð  
Es gerðak mér  
Vísar fjandr  
Af vélöndum

25. Nú erum torvelt  
Tveggja bága  
Njörva nipt  
Á nesi stendr;  
Skalk þó glaðr  
Góðum vilja  
Ok ó-hryggr  
Heljar biða